

四庫全書

經部

欽定四庫全書

經部

易學啟蒙通釋

圖卷上

詳校官內閣學士臣瑞保

通政使司副使臣莫瞻菴覆勘

總校官知縣臣楊懋珩

校對官檢討臣李學錦

謄錄監生臣朱堦

繪圖監生臣程鵬

欽定四庫全書

經部一

易學啟蒙通釋

易類

提要

臣等謹案易學啟蒙通釋二卷宋胡方平撰

方平字師魯號玉齋婺源人據董真卿周易

會通載是書有方平至元己丑自序則入元

己十四年矣然考熊禾跋稱己丑春讀書武

夷山中有新安胡君庭芳來訪出其父書一

編曰易學啟蒙通釋又劉涇跋亦稱一日約  
退齋熊君訪雲谷遺蹟適新安胡君庭芳來  
訪出易學啟蒙通釋一編謂其父玉齋平生  
精力盡在此書輒為刻置書室云云則已丑  
乃禾與涇刊書作跋之年非方平自序之年  
真卿誤也方平之學出於董夢程夢程之學  
出於黃幹幹朱子壻也故方平及其子一桂  
皆篤守朱子之說此書即發明朱子易學啟

蒙之旨案朱子易學啟蒙序曰近世學者類  
喜談易其專於爻義者既支離散漫而無所  
根著其涉於象數者又皆牽合附會而或以  
為出於聖人心思智慮之所為也若是者余  
竊病焉因與同志輯舊聞為書四篇以示  
初學使毋疑於其說云云蓋易之為道理數  
並存不可滯於一說朱子因程傳專主明理  
故兼取邵子之數以補其偏非脫畧易理惟

著此書以言數也後人置本義不道惟假借  
此書以轉相推衍至於支離軀軀而不已是  
豈朱子之本旨乎方平此書雖亦專闡數學  
而根據朱子之書反覆詮釋所採諸書凡黃  
幹董銖劉燾陳埴蔡淵蔡沈六家皆朱子門  
人又蔡模徐幾翁詠三家模蔡淵子幾詠皆  
淵之門人故所衍說尚不至如他家之竟離  
其宗是亦讀啟蒙者所當考矣董真卿所稱

方平自序今本佚之惟存後序一篇朱熹尊  
經義考乃竟以朱子原序為方平之序可謂  
千慮之一失徐氏通志堂刻本於此序之末  
題淳熙丙午暮春既望雲臺真逸手記是顯  
著朱子之別號矣而其標目乃稱易學啟蒙  
通釋序淳熙丙午下距至元己丑凡一百一  
十三年朱子安知有通釋乎今刊正之俾無  
滋後來之疑焉乾隆四十六年十一月恭校

上

總纂官臣紀昀臣陸錫熊臣孫士毅

總校官臣陸費墀



易學啟蒙原序

聖人觀象以畫卦揲蓍以命爻使天下後世之人皆有以決嫌疑定猶豫而不迷於吉凶悔吝之塗其功可謂盛矣然其為卦也自本而幹自幹而支其勢若有所迫而自不能已其為蓍也分合進退從橫逆順亦無往而不相值焉是豈聖人心思智慮之所得為也哉特氣數之自然形於法象見於圖畫者有以啟於其心而假手焉耳近世學者類喜談易而不察乎此其專於文義者既支

離散漫而無所根著其涉於象數者又皆牽合傳會而  
或以為出於聖人心思智慮之所為也若是乎予竊病  
焉因與同志煩輯舊聞為書四篇以示初學使毋疑於  
其說云淳熙丙午莫春既望雲臺真逸手記

啟蒙所引姓氏

孔氏 安國

劉氏 歆字子駿

關氏 朗字子明

周子

程子

邵子

歐陽子

程氏

迥字可久號沙隨

蔡氏

元定字季通號西山  
文公門人

通釋所引姓氏

黃氏

蘇字直卿號勉齋

文公門人有語錄

董氏

銖字叔重號盤澗

文公門人有語錄

劉氏

珣字晦伯號雲莊

文公門人有經說

陳氏

植字器之號潛室  
集及語錄

文公門人有永鍾

蔡氏

澗字伯靜號節齋  
解及象數餘論等書

文公門人有易訓

蔡氏

沉字仲默號九峯  
內篇

文公門人有皇極

蔡氏

模號覺軒節齋子有河洛探賾

欽定四庫全書

姓氏

徐氏

幾字中意

字與號進齋節齋門人有輯講環

翁氏


泳字永叔號思齋節齋門人有口義

欽定四庫全書

易學啟蒙通釋圖

宋 胡方平 學

伏羲則河圖以作易圖




乾	兌	離	震	巽	坎	艮	坤
太	太	少	少	少	少	太	太
陽	陽	陰	陰	陽	陽	陰	陰
四	九	三	八	二	七	二	六

陽 太極 陰

橫圖者卦畫之成圖圖者卦氣之運以卦配數離震  
艮坤同而乾兌巽坎異者以陰之老少主靜而守其  
常陽之老少主動而適其變故也



大禹則洛書以作範圖




書洪範天乃錫禹洪範九疇彙倫攸叙初一日五行次二曰敬用五事次三曰農用八政次四曰協用五紀次五曰建用皇極次六曰人用三德次七曰明用稽疑次八曰念用庶證次九曰嚮用五福威用六極

洪範九疇配九宮之數朱子之論備矣詳見本圖畫篇


上同

先天八卦合洛書數圖



先天八卦乾兌生於  
老陽之四九離震生  
於少陰之三八巽坎  
生於少陽之二七艮  
坤生於老陰之一六其卦  
未嘗不與洛書之位數合  
詳見原卦畫篇末下同


後天八卦合河圖數圖




後天八卦坎一六水離  
二七火震巽三八木乾  
兌四九金坤艮五十土  
其卦未嘗不與河圖之  
位數合此圖書所以相  
為經緯而先後天亦有  
相為表裏之妙也

朱子曰先天圖一邊本都是陽一邊本都是陰陽中有陰陰中有陽便是陽往交易陰陰求交易陽兩邊各各相對其實非此往彼來只其象如此又曰如乾夬大有大壯小畜需大畜泰內體皆乾是一貞外體八卦是八悔餘故此

伏羲六十四卦節氣圖





































嘗因邵子冬至子半之說推之則六十四卦分配節氣  
二至二分四立總為八節每節各兩卦外十六氣每氣  
各三卦合之為六十四卦也詳見原卦畫篇



伏羲六十四卦方圖

朱子嘗欲取出圓圖中方圈在外庶圓圖虛中以象  
太極今考方圖乾坤艮兌坎離震巽八卦之正也泰

	否		萃		晉		豫
	遯		咸		旅		小過
	訟		困		未濟		解
	姤		大過		恆		恒
	无妄		隨		噬嗑		震
	同人		革		漸		豐
	履		兌		睽		歸妹
	乾		夬		大有		大壯

	坤		剝		比		觀
	蹇		艮		蹇		漸
	師		蒙		坎		渙
	升		蠱		升		巽
	復		頤		屯		益
	明夷		賁		既濟		家人
	臨		損		節		中孚
	泰		大畜		需		小畜

否咸損既未濟恒益即乾坤艮兌坎離震巽之交不

交也圓圖乾居南今轉而居西北

內乾八卦居西北  
外乾八卦居西坤

居北今轉而居東南

內坤八卦居南  
外坤八卦居東

而艮兌坎離震

與皆易其位於以見方圖不特有一定之位而有變動交易之義也詳見原卦畫篇末

此圖圓布者乾盡午中坤盡子中離盡卯中坎盡酉中陽生於子中極於午中陰生於午中極於子中其陽在南其陰在北方布者乾始於西北坤盡於東南其陽在

北其陰在南此二者陰陽對待之數圓於外者為陽方  
於中者為陰圓者動而為天方者靜而為地者也

欽定四庫全書


圖

圖

邵子天地四象圖



邵子經世演易圖以太陽  
為乾太陰為兌少陽為離  
少陰為震此四卦自陽儀  
中來故為天四象少剛為  
巽少柔為坎太剛為艮太  
柔為坤此四卦自陰儀中  
來故為地四象詳見原卦  
畫篇下同



朱子釋邵子說以乾兌  
艮坤生於二太故為天  
四象離震巽坎生於二  
少故為地四象但以太陽  
為陽太陰為陰少陽為  
剛少陰為柔不復就八  
卦上分陰陽剛柔與邵子  
本意不同自為一說也



# 掛劫過揲總圖

老陽

少陰

掛劫 十三 四約 四約以四  
 去初 十三 三分 分以十二  
 掛一 十二 為一 奇為者  
 十二 掛一 者三 者凡三也  
 掛劫 十二 四約 四約三分  
 十七 三分 者三計兩  
 去初 十七 為一 箇四也為  
 掛一 十六 為二 箇八也  
 十六 者一 即偶也

三 此字指一  
 各復 策言一者  
 有 三 箇四策中各  
 為 九 上而三箇  
 之母 策中各復有  
 二 二兩箇四  
 各有 各有三箇  
 三一 二謂於上  
 二復 箇八策中夫  
 有 二 四不用於用  
 為 八 四中以二策  
 之母 在上而二策  
 中復有二也

過 揲 三 十 六 過 揲 三 十 六  
 四約 四約計九  
 得 九 箇四亦為  
 為 九 四箇九四  
 九 三 十六  
 九 之 子 也  
 四約 四約計八  
 得 八 箇四亦為  
 為 八 四箇八四  
 八 三 十二  
 八 之 子 也

少陽

掛初

四約 四約三分

二三三謂於上

過

四約

四約計七

二十

三分 者二掛兩

各有圖兩箇八策

揲

得七

四箇七四

一去

者二者一計

一復用于用四中

二

為七

七二十八

初掛

為一箇四也

有三各取二策在

十

之子

七之子也

二十

者一四為奇

之母各有二一

八

四約

四約計六

掛初

四約 四約三分

三三三謂於上

過

四約

四約計六

二十

同上二即

各復圖三箇八策

揲

得六

四箇六四

老陰

五去

為二 也為二者

有二用于四中

二

為六

六二十四

初掛

者三 者凡有三

之母二策中各復

四

之子

六之子也

廿四

者三樣也

之母二策中各復

四

之子

六之子也

案朱子掛初圖四圖說并及過揲之數今總為一圖著之全


數除初掛一外粲然可見矣詳見明著策篇此條近世之法  
前一變獨掛後二變不掛故老陽少陰變數皆二十七少陽  
變數九者陰變數一无復自然之法象也詳見明著策篇  
案第一變獨掛後二變不掛非特為六扐而後掛三  
營而成易於再扐四營之義不協三後二變不掛其數雖  
亦不四則八而所以為四八者實有不同蓋掛則所謂四者  
左手餘一則右手餘二左手餘二則右手餘一不掛則左  
手餘一右手餘三左手餘二右手餘二左手餘三右手餘一

此四之所以不同也三變之後陰陽變動皆參差不齊  
无復自然之法象矣其可哉因為圖以明之

老陽二十七

三 一 三 二 一 三 二 一  
物 物 掛 物 物 掛 物 掛

近世操



著

後

少陰二十七

二

少陽九


變

不

卦

圖

老陰一



右十圖附見於此初學得之以明篇內本文之義亦庶乎易見云


欽定四庫全書

易學啟蒙通釋卷上

宗胡方平通釋


本圖書第一

圖



洛

書





易大傳曰河出圖洛出書聖人則之

孔安國云河圖者伏羲氏王天下龍馬出河遂則其  
文以畫八卦洛書者禹治水時神龜負文而列於背  
有數至九禹遂因而第之以成九類

龍馬周禮夏官馬八尺以上為龍言馬之特異如  
龍也漢武帝元狩三年得神馬於渢渢水中亦此  
之類神龜大戴禮曰甲蟲三百六十而神龜為之  
長朱子曰河圖與易之天一地十者合而載天  
地五十有五之數則固易之所自生也洛書與洪  
範之初一至次九者合而具九疇之數則固範之  
所自出也繫辭雖不言伏羲受河圖以作易然所  
謂仰觀俯察遠求近取安知河圖非其中一事耶

大抵聖人制作所由初非一端然其法象之規模必有最親切處如闕之世天地之間陰陽之氣雖各有象然初未嘗有數也至於河圖之出然後五十有五之數奇偶生成燦然可見此其所以深發聖人之獨智又非泛然氣象之所得而擬也是以仰觀俯察遠求近取至此而後兩儀四象八卦之陰陽奇偶可得而言雖繫辭所稱聖人作易之由者非一而不害其得此其後決之也

劉歆云伏羲氏繼天而王受河圖而畫之八卦是也禹治洪水賜洛書法而陳之九疇是也河圖洛書相為經緯八卦九章相為表裏

潛室陳氏曰經緯之說非是以上下為經左右為緯大抵經言其正緯言其變而二圖互為正變主

河圖而言則河圖為正洛書為變主洛書而言則洛書為正而河圖又為變要之天地間不過一陰一陽以兩其五行而太極常居其中二圖縱橫雖變動要只是參互成見此所以為之相為經緯也表裏之說亦然蓋河圖不但可以畫卦亦可以明疇洛書不特可以明疇亦可以畫卦但當時聖人各因一事以垂後世伏羲但據河圖而畫卦大禹但據洛書而明疇要之伏羲之畫卦其表為八卦而其裏固可以為疇大禹之叙疇其表為九疇而其裏固可以為卦此所以為之相為表裏也

關子明云河圖之文七前六後八左九右洛書之文

九前一後三左七右四前左二前右八後左六後右

朱子曰讀大戴禮書又得一證其明其明堂篇有二九四七五三六一八之語而鄭氏注云法龜文

也然則漢人固以九數者為洛書矣

邵子曰圓者星也歷紀之數其肇於此乎歷法合二  
始以定剛柔二中以定律歷二終以紀閏餘是所謂  
歷紀也方者土也畫州井地之法其放於此乎州有  
九井九百畝是所謂畫州井地也蓋圖者河圖之數  
方者洛書之文故義文因之而造易禹箕叙之而作  
範也

唐律歷志僧一行作歷本義曰天數始於一地數  
始於二合二始以定剛柔天數中於五地數中於

六合二中以定律厯天數終於九地數終於十合  
二終以紀閏餘天有五音所以司日也地有六律  
所以司辰也朱子曰二始者一二也一奇故為剛  
二偶故為柔二中者五六也五者十千六者十二  
辰也二終者九與十也閏餘之法以一十九歲為  
一章姑借其說以明十數之為河圖耳又曰圓者  
星也圓者河圖之數言无那四角底其形便圖又  
曰河圖既無那四隅則比之洛書固亦為圖矣方  
者上也方者洛書之文言畫州并地之所依故而  
作者也書禹貢禹別九州冀北揚南青東梁西雍  
東北雍西北徐東南荆西南豫中也孟子言周家  
并地之制并九百畝其中為公田八家各私百畝  
同養公田是皆法  
洛書之九數也

蔡元定曰古人傳記自孔安國劉向父子班固皆所

為河圖授羲洛書錫禹關子明邵康節皆以十為河  
圖九為洛書蓋大傳既陳天地五十有五之數洪範  
又明言天乃錫禹洪範九疇而九宮之數戴九履一  
左三右七二四為肩六八為足龜背負之象也案劉  
牧意見以九為河圖以十為洛書託言出於希夷既  
與諸儒舊說不合又引大傳以為二者皆出於伏羲  
之世其易置圖書並無明驗但為伏羲兼以圖書則  
易範之數誠相表裏為可疑耳其實天地之理一而

已矣雖時有古今先後之不同而其理則不容于有  
二也故伏羲但據河圖以作易則不必預見洛書而  
已迺與之合矣大禹但據洛書以作範則亦不必追  
考河圖而已暗與之符矣其所以然者何哉誠以此  
理之外無復他理故也然不特此耳律呂有五聲十  
二律而其相策之數究於六十日各有十幹十二支  
而其相乘之數亦究于六十二者皆出於易之後其  
起數又各不同然與易之陰陽策數多少自相配合

皆爲六十者無不若合符契也下至運氣參同太一之屬雖不足道然亦無不相通蓋自然之理也假令今世復有圖書者出其數亦必相符可謂伏羲有取於今日而作易乎大傳所謂河出圖洛出書聖人則之者亦汎言聖人作易作範其原皆出于天之意如言以卜筮者尚其占與莫大乎蓍龜之類易之書豈有龜與卜之法乎亦言其理無二而已爾

前漢律厯志曰天之中數五五爲聲地之中數六六爲律聲者宮商角徵羽也律有二陽律爲律陰



律為呂律以通氣類物曰黃鍾太簇姑洗蕤賓夷  
 則無射是也其制截竹為筒陰陽各六以節五聲  
 之上下每律呂以五聲加之則以五乘十二以十  
 二乘五是為六十十干自甲至癸十二支自子至  
 亥支幹相乘亦為六十陰陽老少策數配合為六  
 十者老陽策數三十六老陰策數三十四合為六  
 十少陽策數二十八少陰策數三十二亦合為六  
 十也運氣見黃帝素問五運者甲巳化土乙庚化  
 金丙辛化水丁壬化木戊癸化火是也六氣者子  
 午少陰君火司天為主氣寅申少陽相火司天為  
 主氣丑未太陰濕土司天為主氣卯酉陽明燥  
 金司天為主氣辰戌太陽寒水司天為主氣巳亥  
 厥陰風木司天為主氣是也以運氣相乘言之甲  
 丙戊庚壬為陽加于子午寅申辰戌計三十日乙  
 丁巳辛癸為陰加于丑未卯酉巳亥計三十日總  
 陰陽支幹是為六十也參同乃修養之書後漢魏

伯陽所作以乾坤為爐鼎坎離為金刀大藥所用  
以為火候者六十卦也太乙日家有大乙統紀之

書其說蓋亦  
主於六十也

天一地二天三地四天五地六天七地八天九地十天  
數五地數五五位相得而各有合天數二十有五地數  
三十凡天地之數五十有五此所以成變化而行鬼神  
也

此一節夫子所以發明河圖之數也天地之間一氣  
而已分而為二則為陰陽而五行造化萬物始終無

不管於是焉故河圖之位一與六共宗而居乎北二  
與七為朋而居乎南三與八同道而居乎東四與九  
為友而居乎西五與十相守而居乎中蓋其所以為  
數者不過一陰一陽一奇一偶以兩其五行而已所  
謂天者陽之輕清而位乎上者也所謂地者陰之重  
濁而位乎下者也陽數奇故一三五七九皆屬乎天  
所謂天數五也陰數偶故二四六八十皆屬乎地所  
謂地數五也天數地數各以類而相求所謂五位之

相得者然也天以一生水而地以六成之地以二生  
火而天以七成之天以三生木而地以八成之地以  
四生金而天以九成之天以五生土而地以十成之  
此又其所謂各有合焉者也積五奇而為二十五積  
五偶而為三十合是二者而為五十有五此河圖之  
全數皆夫子之意而諸儒之說也

一陰一陽以生成言也一奇一偶一三五一七九為  
奇二四六八十為偶也陰陽奇偶之合則一六為  
水二七為火三八為木四九為金五十為土故其  
在十干則木有甲乙火有丙丁土有戊己金有庚

辛水有壬癸所謂兩其五行也五位相得謂一與  
二三與四五與六七與八九與十各以奇偶為類  
而相得各有合謂一與六二與七三與八四與九  
五與十皆兩相合也朱子曰相得如兄弟有合如  
夫婦蓋以相得則取其奇偶之相為次第辨其類  
而不容紊也有合則取其奇偶之相為生成合其  
類而不容間也相得有合四字該盡河圖之數又  
曰相得有合在十干甲乙木丙丁火戊己土庚辛  
金壬癸水便是相得甲與己合乙與庚合丙與辛  
合丁與壬合戊與癸合便是各有合也朱子曰  
五行有以質而語其生之序者則曰水火土金水  
有以氣而語其行之序者則曰木火土金水水陰  
根陽火陽根陰錯綜而生其端是天一生水地二生  
火天三生木地四生金到得運行處便水生木木  
生火火生土土生金金又生水水生火又生木循環相  
生又曰陽變陰合初生水水火水火氣也流動明燦

欽定四庫全書

卷上

其體尚虛其成形猶未定次生木金則確然有定  
形矣又曰大抵天地生物先其輕清以及重濁天  
一生水地二生火二物在五行中最輕清金木復  
重於水火土又重於金木或曰土寄旺於四季各  
十八日何獨火生土而土生金也曰夏季十八日  
土氣為最旺故能生秋金也勉齋黃氏曰自一至  
十特言奇偶之多寡爾初非以次序而言天得奇  
而為水故曰一生水一之極而為三故曰三生木  
地得偶而為火故曰二生火二之極而為四故曰  
四生金何也一極為三以一運之圓而成三故二  
而三也二極為四以二周之方而成四故二而四  
也如果以次序言則一生水而未成水必至五行  
俱足猶待第六而後成水二生火而未成火必待  
五行俱足然後第七而成火耶如此則全不成造  
化亦不成義理矣六之成水也猶坎之為卦也一  
陽居中天一生水也地六包於外陽少陰多而水

始盛成七之成火也猶離之為卦也一陰居中地  
二生火也天七包於外陰少陽多而火始盛成坎  
屬陽而離屬陰以其內者為主而外者成之也又  
曰只以造化本原及人物之初生驗之便是可合  
天一生水水便有形人生精血湊合成體亦若造  
化之有水也地二生火火便有氣人有此體便能  
為聲聲者氣之所為亦若造化之有火也水陰而  
火陽貌亦屬陰而言亦屬陽也水火雖有形質然  
乃造化之初故水但能潤火但能炎其形質終是  
輕清至若天三生木地四生金則形質已全具矣  
亦如人身耳目既具則人之形成矣木陽而金陰  
亦猶視陽而聽陰也又曰洪範五行五事皆以造  
化之初及人物始生言之也造化之初天一生水  
而三生木地二生火而四生金蓋以陰陽之氣一  
濕一燥而為水火濕極燥極而為木與金也人物  
始生精與氣耳大傳曰精氣為物子產曰物生始

欽定四庫全書

卷上

化曰魄既生魄陽曰魂此皆精妙之語精濕而氣燥精實而氣虛精沉而氣浮故精為貌而氣為言精之盛者濕之極故為木為肝為視氣之盛者燥之極故為金為肺為聽大抵貌與視屬精故精衰而目暗言與聽屬氣故氣塞而耳聾此曉然易見者也又曰耳屬金是誠可疑醫家以耳屬腎以肺屬金然配與屬不同屬者管屬之謂配者比並之謂論其管屬則耳屬於腎取其比並則聽比於金也又曰水火木金有兩項看如作行之序看則木火是陽金水是陰行於春夏為陽行於秋冬為陰如作生之序看則水木是陽火金是陰生於天一三為陽生於地二四為陰因云太極圖解有一處可疑圖以水陰盛故居右火陽盛故居左金陰穉故次水木陽穉故次火此是說生之序下文却說水木陽也火金陰也却以水為陽火為陰論來物之初生自是幼嫩如陽始生為水尚柔弱到



生木已強盛陰始生為火尚微到生金已成質如此則水為陽揖木為陽盛火為陰揖金為陰盛也雲莊劉氏曰水陰也生於天一火陽也生於地二是其方生之始陰陽互根故其運行水居於位極陰之方而陽已生於子火居於位極陽之方而陰已生於午若木生於天三專屬陽故其行於春亦屬陽金生於地四專屬陰故其行於秋亦屬陰不可以陰陽互言矣蓋水火未離乎氣陰陽交合之初其氣自有互根之妙木則陽之發達金則陰之收斂而有定質矣此其所以與水火不同也思齋翁氏曰水火木金不得土不能各成一器何以見之且天一生水一得五便為水之成地二生火二得五便為火之成天三生木三得五便為木之成地四生金四得五便為金之成皆本於中五之土也又曰河圖陰陽之位生數為主而成數配之東北陽方則主之以奇而與合者偶西南陰方則

主之以偶而  
與合者奇也

至於洛書則雖夫子之所未言然其象其說已具於  
前有以通之則劉歆所謂經緯表裏者可見矣或曰  
河圖洛書之位與數其所以不同何也曰河圖以五  
生數統五成數而同處其方蓋揭其全以示人而道  
其常數之體也洛書以五奇數統四偶數而各居其  
所蓋主於陽以統陰而肇其變數之用也

河圖以生成分陰陽以五生數之陽統五成數之  
陰而同處其方陽內陰外生成相合交泰之義也

洛書以奇偶分陰陽以五奇數之陽統四偶數之陰而各居其所陽正陰偏奇偶既分尊卑之位也河圖數十十者對待以立其體故為常洛書數九九者流行以致其用故為變也常變之說朱子特各舉所重者為言非謂河圖專於常有體而無用洛書專於變有用而無體也自河圖四象之合者觀之象之列於四方者各當其所處之位此其體之常象之處於西南者不叶夫所生之卦又為用之變矣伏羲則其變者以作易即橫圖卦畫之成而究圓圖卦氣之運則知四象分為八卦陰之老少不動而陽之老少迭遷此主變也豈拘於常者乎自洛書四象之分者觀之象之居於西南者不當其所處之位此其用之變象之列於四方者悲協夫所生之卦又為體之常矣大禹則其常者以作範因武王彙倫收叙之問以究箕子天錫禹疇之對則知四象分為九疇陽居四正則配四陽之

卦以爲陰之宰陰居四隅則配四陰之卦以爲陽之輔此主常也豈撓於變者乎 節齋蔡氏曰河圖數偶偶者靜靜以動爲用故河圖之行合奇一合六二合七三合八四合九五合十是故合之吉凶生乎動蓋靜者必動而後生也洛書數奇奇者動動以靜爲用故洛書之位合皆偶一合九二合八三合七四合六是故範之吉凶見乎靜蓋動者必靜而後成也九峯蔡氏曰河圖體圓而用方聖人以之而畫卦洛書體方而用圓聖人以之而叙疇卦者陰陽之象也疇者五行之數也象非偶不立數非奇不行奇偶之分象數之始也陰陽五行固非二體八卦九疇亦非二致理一分殊非深於造化者安能識之又曰河圖非無奇也而用則存乎偶洛書非無偶也而用則存乎奇偶者陰陽之對待乎奇者五行之迭運乎對待者不能迭運者不可窮天地之形四時之行人物之生萬化之凝其妙

矣乎潛案陳氏曰河圖以生數統成數洛書以奇數統偶數若不相似也然一必配六二必配七三必配八四必配九五必居中而配十圖書未嘗不相似河圖之生成同方洛書之奇偶異位若不相似也然同方者有內外之分是河圖猶洛書也異位者猶化育之義是洛書亦猶河圖也雲莊劉氏曰河圖者陰陽生成之合洛書者陰陽奇偶之分以質而論則分而各居其所是對待之定體也以氣而論則合而同處其方是流行之妙用也然氣質二者初不相離有分則必有合有合則必有分所謂推之於前不見其始之合引之於後不見其終之離又不可以拘泥而觀之也

曰其皆以五居中者何也曰凡數之始一陰一陽而已矣陽之象圓圓者徑一而圍三陰之象方方者

徑一而圓四圍三者以一為一故參其一陽而為三  
圍四者以二為一故兩其一陰而為二是所謂參天  
兩地者也三二之合則為五矣此河圖之數所以皆  
以五為中也

陽之數奇而屬乎天其象為圓圓者取其動也凡  
物之圓者其直徑則一而橫圍則三若陽則其數  
以一為一而用其全擬之於象實圍三而三各一  
奇皆在所用故曰參天陰之數偶而屬乎地其象  
為方方者取其靜也凡物之方者其直徑則一而  
橫圍則四若陰則其數以二為一而其用半擬之  
方象實圍四而四合二偶半在所用故曰兩地夫  
數始於陰陽倚於參兩參兩之合則為五此圖書

之數所以皆以五居中。也陽大陰小陽饒陰乏故陽得用全而陰惟用半其尊陽之義實攷于此矣。或問叁天兩地舊說以為五生數中天叁地兩不知其說如何朱子曰如此却是三天二地不見叁兩之意叁天者叁之以三兩地者兩之以二也又曰一箇天叁之而為三一箇地兩之而為二三三為九三二為六兩其三一其二為八兩其二其一為七此又七八九六之數所由起也。節齋蔡氏曰天數奇以一為一故三地數偶以二為二故兩卦畫亦然陽奇為一而陰偶為二也。

然河圖以生數為主故其中之所以為五者亦具五生數之象焉其下一點天一之象也其上一點地二之象也其左一點天三之象也其右一點地四之象

也其中一點天五之象也洛書以奇數為主故其中  
之所以為五者亦具五奇數之象焉其下一點亦天  
一之象也其左一點亦天三之象也其中一點亦天  
五之象也其右一點則天七之象也其上一點則天  
九之象也

圖之五具五生數之象書之五具五奇數之象蓋  
皆以其所主者言之有主必有賓而圖之成數與  
書之偶數亦各具於中央之五數矣圖之中五下  
一點既具天一之象則一與六合而地六之成數  
自不能離乎天之一矣以至二三四五皆然如是  
則河圖由一與六以至五與十生成相合而五十



五之全數盡具於中央五數之中書之中五下一點既具天一之象以至上一點既具天五之象則一與三三與四七與六九與八奇偶亦相為脗合而四十五之全數亦盡具於中央之五數矣豈可惟以五數拘之哉

其數與位皆三同而二異蓋陽不可易而陰可易成數雖陽固亦生之陰也

數則河圖自一至十洛書自一至九之數位則東西南北中央之位皆三同而二異者圖書之一六皆在北三八皆在東五皆在中三者之位數皆同也圖之二七在南而書則二七在西圖之四九在西而書則四九在南二者之位數皆異也陽不可易專指一三五陰可易統指二七四九成數雖陽

指七九固亦生之陰指七為二生數之陰九為四  
生數之陰也二四以生數言雖屬陽然以偶數言  
則屬陰不得為之陽矣故可見七九以奇數言雖  
屬陽然以成數言只可謂之陰矣故可見其曰成  
數雖陽固亦生之陰不曰生數雖陰故亦成之陽  
者蓋但主陰可易而言也 雲莊劉氏曰圖之一  
三五七九皆奇數陽也而一三五之位不易七九  
之位易者亦以天地之間陽動主變故也然陽於  
北東則不動於西南則互遷者蓋北東陽始生之  
方西南陽極盛之方陽主進數必又進於極而後  
變也

曰中央之五既為五數之象矣然其為數也奈何曰  
以數言之通乎一圖由內及外固各有積實可紀之

數矣然河圖之一二三四各居其五象本方之外而  
六七八九十者又各因五而得數以附於其生數之  
外洛書之一三七九亦各居其五象本方之外而二  
四六八者又各因其類以附于奇數之側蓋中者為  
主而外者為客正者為君而側者為臣亦各有條而  
不紊也

在圖者陽生陰成在書者陽奇陰偶而皆以陽為  
尊也圖之數十積之為五十有五書之數九積之  
為四十有五皆可以紀其實也然以中五計之圖  
之一二三四者生數之陽也各居其中五本來方

位之外六七八九十者成數之陰也又各因五而得數以附於五生數之外中者為主則外者為客矣書之一三七九者四奇數之陽也各居其中五本來方位之外而二四六八者四偶數之陰也又各從其類以附于四奇數之側正者為君則側者為臣矣造化貴陽而賤陰假圖書以顯其理出於自然之妙非可容一毫智力抑揚於其間也盤澗先生問河圖之數不過一奇一偶相錯而已故太陽之位即太陰之數太陰之位即太陽之數見其迭陰迭陽陰陽相錯所以為生成也天五地十居中地十亦天五之成數蓋一二三四已含六七八九者以五乘之故也蓋數不過五也洛書之用一二三四以對九八七六其數亦不過十蓋太陽占第一位已含太陽之數少陰占第二位已含少陰之數少陽占第三位已含少陽之數太陰占第四位已含太陰之數雖其陰陽各自為數然五數

居中太陽居一得五而成六少陰居二得五而成  
七少陽居三得五而成八太陰居四得五而成九  
則與河圖一陰一陽相錯而為生成之數者亦無  
以異也不知可如此看否朱子答曰所論甚當河  
圖相錯之說尤佳覺軒蔡氏曰一二三四為四象  
之位六七八九為四象之數河圖位與數常相錯  
然五數居中一得五而為六二得五而為七三得  
五而為八四得五而為九各居其方雖相錯而未  
嘗不相對也洛書位與數嘗相對然五數居中一  
得五而為後右之六二得五而為右之七三得五  
而為後左之八四得五而為前之九  
縱橫交綜雖相對而未嘗不相錯也

曰其多寡之不同何也曰河圖主全故極於十而奇  
偶之位均論其積實然後見其偶贏而奇乏也洛書

主變故極於九而其位與實皆奇贏而偶乏也必皆虛其中也然後陰陽之數均於二十而無偏耳

河圖偶贏而奇乏者地三十天二十五也洛書奇贏而偶乏者天干十五地二十也河圖虛其中之十五洛書虛其中之五則陰陽之數均于二十矣

曰其序之不同何也曰河圖以生出之次言之則始下次上次左次右以復於中而又始於下也以運行之次言之則始東次南次中次西次北左旋一周而又始於東也其生數之在內者則陽居下左而陰居

上右也洛書之次其陽數則首北次東次中次西次南其陰數則首西南次東南次西北次東北也合而言之則首北次西南次東次東南次中次西北次西次東北而究於南也其運行則水克火火克金金克木木克土土旋一周而土復克水也是亦各有說矣

河圖生次生成之序與洛書奇偶次序皆錯雜取義唯運行次序河圖則左旋相生洛書則右轉相克一六為水二七為火三八為木四九為金五十為土河圖則水生木木生火火生土土生金左旋一周而金復生水也洛書則水克火火克金金克木木克土右轉一周而土復克水也思齋翁氏曰

河圖運行之序自北而東左旋相生圖也然對待之位則北方一六水克南方二七火西方四九金克東方三八木而相克者已寓於相生之中洛書運行之序自北而西右轉相克固也然對待之位則東南方四九金生西北方一六水東北方三八木生西南方二七火其相生者已寓於相克之中蓋造化之運生而不克則生者無從而裁制克而不生則克者亦有時而間繼此圖書生成之妙未嘗不各自全備也

曰其七八九六之數不同何也曰河圖六七八九既附于生數之外矣此陰陽老少進退饒乏之正也其九者生數一三五之積也故自北而東自東而西以



成於四之外其六者生數二四之積也故自南而西  
自西而北以成於一之外七則九之自西而南者也  
八則六之自北而東者也此又陰陽老少互藏其宅  
之變也洛書之縱橫十五而七八九六迭為消長虛  
五分十而一含九二含八三含七四含六則參伍錯  
綜無適而不遇其合焉此變化無窮之所以為妙也

此一節專言圖書七八九六之數以分陰陽之老少也七九為陽陽主進由少陽七而進七之上為八故踰八而進於九九則進之極更无去處了此九為老陽六八為陰陰主退由少陰八而退八之

下為七故踰七而退於六六則退之極更無轉處  
了故六為老陰進則饒故老陽饒於八少陽饒於  
六退則乏故老陰乏於七少陰乏於九進而饒者  
陽之常退而乏者陰之常此所謂正也以言其變  
老陽數九由一三五積而成於四之外四老陰之  
位也老陰數六由二四積而成於一之外一者陽  
之位也此二老互藏其宅之變也七八則非由積  
數而成七與九皆陽故少陽七自九來而居於二  
之上三少陰之位也八與六皆陰故少陰八自六  
來而居於三之生三少陽之位也此二少互藏其  
宅之變也其在洛書雖縱橫有十五之數實皆七  
八九六之迭為進長一得五為六而與南方之九  
迭為消長四得五為九而與西北之六迭為消長  
三得五為八而與西方之七迭為消長二得五為  
七而與東北之八迭為消長大抵數之進者為長  
退者為消長者退則又消消者進則又長六進為

九則九長而六消九退為六則九反消而六又長  
矣七進為八則八長而七消八退為七則八反消  
而七又長矣虛五分之則九者十分之一之餘八者十分  
十以其十者分之則九者十分之一之餘八者十分  
二之餘七者十分之三之餘六者十分之四之餘也  
伍錯綜無適而不遇七八九六之合焉此所謂變  
化無窮之妙也又因是推之圖書之文七與八  
與六每相連屬河圖則二少位東南二老位西北  
二居南內含東外之八三居西內含南外之七一  
居北內含西外之九四居東內含北外之六洛書  
則一得五成六而合九四得五成九而合六二得  
五成七而合八三得五成八而合七又加二四成  
六而九居中一八成九而六在旁二六成八而七  
處內三四成七而八在下是亦九六七八無適而  
不遇其合也

曰然則聖人之則之也奈何曰則河圖者虛其中則洛書者總其實也河圖之虛五與十者太極也奇數二十偶數二十者兩儀也以一二三四為天六七八九者四象也析四方之合以為乾坤離坎補四隅之空以為兌震巽艮者八卦也洛書之實其一為五行其二為五事其三為八政其四為五紀其五為皇極其六為三德其七為稽疑其八為庶證其九為福極其位與數尤曉然矣

伏義則河圖以作易也偶之數十積之為五十有五虛其中十與五者象太極也而其散在於外者凡四十以一三七九為陽儀者二十以二四六八為陰儀者二十此則之以生兩儀也以一三二四之位而為六七八九之象此則之以生四象也析二七之合則七居南為乾而二補東南隅之空以為兌析三八之合則八居東為離而三補東北隅之空以為震析四九之合則九居西為坎而四補西南隅之空以為巽析一六之合則六居北為坤而一補西北隅之空以為艮者此則之以成八卦也然聖人之則河圖也亦因橫圖卦畫之成以發圖圖卦氣之運耳本河圖以為先天橫圖則卦畫之成者老陽居三分之一之為乾兌少陰居二分之一之為離震少陽居三分之一之為巽坎老陰居四分之為艮坤本河圖以為先天圓圖則卦氣之運者老陰居北少陰居東所以分而為艮坤離震者此四卦固

无以異於橫圖也少陽居南宜為巽坎而乃為乾  
兌老陽居西宜為乾兌而乃為巽坎此四卦實有  
異於橫圖矣其故何哉蓋河圖二象之居於東北  
老陰之老少也陰主靜而守其常故水木各一其  
象不能他有所兼一六居北為水其於卦也為艮  
坤不得為離震矣二八居東為木其於卦也為離  
震不得為艮坤矣陰所以小也所以居窮冬相錯  
而為冬與春之卦也河圖二象之居於西南者陽  
之老少也陽主動而通其變故金火互通其象實  
能兩有所兼乾居南方火位說卦曰乾為金坎居  
西方金位而說卦曰坎為赤故四九居西為金其  
於卦也本為乾兌而亦得為巽坎矣三七居南為  
火其於卦也本為巽坎而亦得為乾兌矣陽所以  
為大也所以居大夏相錯而為夏與秋之卦也體  
河圖以為先天圓圖其卦氣之運分陰分陽有如  
此者聖人所以作易者寧不可見也哉大禹之則

洛書以作範也未必拘拘於書之位次以定疇之  
先後然自一至九之故實有以默啟聖人作範之  
心故自初一之五行包天地自然之數餘八法則  
是大禹參酌天時人事而類之不必盡叶於火木  
金土之位也朱子曰洛書本文只有四十五點班  
固云六十五字皆洛書本文古字畫少恐或有模  
樣但今無所考漢儒此說未是恐只是以義起之  
不是數如此蓋皆以天道人事參互言之五行最  
急故第一五事又參之故第二身既修可推之於  
政故八政次之政既成又驗之于天道故五紀次  
之又繼之以皇極居五蓋能推五行正五事用八  
政修五紀乃可以建極也六三德乃是權衡此皇  
極者也德既修矣猶疑庶證繼之者著其驗也  
又繼之以福極則善惡之效至是不可加矣皇  
極非大中也皇乃天字極乃極至言皇建此極也  
九峯蔡氏曰五行不言用无適而非用也皇極不

言數非可以數明也苟明乎  
此則大禹叙疇之旨得矣

曰洛書而虛其中則亦太極也奇偶各居二十則亦  
兩儀也一二三四而含九八七六縱橫十五而互為  
七八九六則亦四象也四方之正以為乾坤離坎四  
隅之偏以為兌震巽艮則亦八卦也河圖之一六為  
水二七為火三八為木四九為金五十為土則固洪  
範之五行而五十有五者又九疇之乎目也是則洛  
書固可以為易而河圖亦可以為範矣且又安知圖



之不為書書之不為圖也耶

四方為乾坤離坎四隅為兌震巽艮者蓋一六老陰之數而畫卦為艮坤艮居六坤居一也三八少陰之數而畫卦為離震離居三震居八也四五老陽之數而畫卦為乾兌乾居九兌居四也三八少陽之數而畫卦為巽坎巽居二坎居七也此洛書亦可以為八卦也九疇子曰者五行五事五八政八五紀五皇極一三德三稽疑七庶證十福極十一總五十五也

曰是其時雖有先後數雖有多寡然其為理則一而已但易乃伏羲之所先得乎圖而初無所待於書範則大禹之所獨得乎書而未必追考於圖耳且

以河圖而虛十則洛書四十有五之數也虛五則  
大衍五十之數也積五與十則洛書縱橫十五之  
數也以五乘十以十乘五則又皆大衍之數也洛  
書之五又自含五而得十而通為大衍之數矣積  
五與十則得十五而通為河圖之數矣苟明乎此  
則橫斜曲直無所不通而河圖洛書又豈有先後  
彼此之間哉

洛書之五又自含五而得十者下一點含天一之  
象上一點含地二之象左一點含天三之象右一

點含地四之象中一點含天五之象所謂五自含五而得十通在外四十為大衍之數積五與十而得十五者以其所含之五積之則合五與十而得十五通在外四十而為河圖五十五也

### 原卦畫第二

古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情

大傳又言包犧畫卦所取如此則易非獨以河圖而作也蓋盈天地之間莫非太極陰陽之妙聖人

於此仰觀俯察遠求近取固有以超然而默契於  
其心矣故自兩儀之未分也渾然太極而兩儀四  
象六十四卦之理已粲然於其中自太極而分兩  
儀則太極固太極也兩儀固兩儀也自兩儀而分  
四象則兩儀又為太極而四象又為兩儀矣自是  
而推之由四而八由八而十六由十六而三十二  
由三十二而六十四以至於百千萬億之無窮雖  
其見於蓍畫者若有先後而出於人為然其已定

之形已成之勢則固已具於渾然之中而不容毫髮  
思慮作為於其間也程子所謂加一倍法者可謂一  
言以蔽之而邵子所謂畫前有易者又可見其真不  
妄矣世儒於此或不之察往往以為聖人作易蓋極  
其心思探索之巧而得之甚者至謂凡卦之畫必由  
蓍而後得其誤益以甚矣

仰則觀象於天即所謂仰以觀於天文日月星  
辰皆是也俯則觀法於地即所謂俯以察於地  
理山林川澤皆是也鳥獸之文羽毛之屬地之  
宜草木之屬神明之德如健順動止之性萬物

之情如雷風小澤之象也朱子曰畫卦只是一  
分為二節節如此以至於無窮蓋以凡一為極  
凡兩為儀所為一者非專指生兩儀之太極所  
謂兩者非專指太極所生之兩儀兩儀分為四  
象則兩儀為一而四象為兩矣自是推之以至  
則四象為一而八卦又為兩矣節齋蔡氏曰聖  
於不窮皆此一之分為兩兩節可以類萬物之  
人之卦精可以通神明之德粗可以類萬物之  
情神明之德不可見者也故曰畫生於太極故  
見者也故曰類雲莊劉氏曰易畫生於太極故  
其理為天下之至精易畫原於圖書故其數為  
天下之至變太極理也形而上者也必有所依  
而後立故雖不離乎圖書之數而亦不離乎圖  
書之數則圖書之數以作易而太極之理行乎  
其中矣繫辭論聖人作易之由又有及於觀察  
求取則雖非獨以圖書而作其實因圖書之數

而後決之耳太極為理之原圖書為數之祖  
理之與數本非有二致也合而觀之斯可矣

易有太極

太極者象數未形而其理已具  
之稱形氣已具而其理无昧之  
目在河圖洛書皆虛中之象也  
周子曰无極而太極邵子曰道  
為太極又曰心為太極此之謂  
也

畫前之易一太極耳橫圖所該  
儀象卦以至六十四者皆自



此而生也象數未形者言圖書未出卦畫未立而其  
理已具者言所以為是兩儀四象八卦之理已渾然  
備具所謂不雜乎陰陽之太極也形器已具者言圖  
書既出卦畫既立而其理無朕者言雖有是儀卦象  
之畫而其所以然之理又初无聲臭之可求所  
謂不離乎陰陽之太極也圖書虛中見前篇



陽儀

陰儀

是生兩儀

太極之判始生一奇一偶而為一畫者  
二是為兩儀其數則陽一而陰二在河  
圖洛書則奇偶是也周子所謂太極動  
而生陽動極而靜靜而生陰靜極復  
動一動一靜互為其根分陰分陽兩儀  
立焉邵子所謂一分為二者皆謂此也

朱子答可久曰如所謂兩儀有曰乾之畫奇  
坤之畫偶只此乾坤字便未穩當蓋儀匹也  
如俗語所謂一雙一對云耳自此再變至第  
三畫八卦已成方有乾坤之名當其為一畫  
之時方有一奇一偶只可謂  
之陰陽未得謂之乾坤也

太陽一

少陰二

兩儀生四象

兩儀之上各生一奇一偶而為  
二畫者四是謂四象其位則太  
陽一少陰二少陽三太陰四其  
數則太陽九少陰八少陽七太  
陰六以河圖言之則六者一而  
得於五者也七者二而得於五  
者也八者三而得於五者也九

少陽三



太陰四



者四而得於五者也。以洛書言之，則九者十分一之餘也，八者十分二之餘也，七者十分三之餘也，六者十分四之餘也。周子所謂水火金匱子所謂二分爲四者，皆謂此也。

西儀生四象者，陽儀上生一畫陽，二謂之太陽，一象又生一畫陰，二謂之少陰，一象陰儀上生一畫陽，二謂之少陽。


一象又生一畫陰二謂之太陰一象朱子曰一陰一  
 陽有各生一陰一陽之象或問其義曰一物上是各  
 有陰陽如人之男女陰陽已具逐人身上又各有這  
 血是陰氣是陽如晝夜之間晝為陽夜為陰而晝是  
 午後又為陰夜自子後又屬陽此便是陰陽有各生  
 陰陽之象陰陽各生陰陽則是四象也自此之謂矣  
 四象既立太陽居一含九少陰居二含八少陽居三  
 含七太陰居四含六朱子曰因一三二四便見九八  
 七六最妙蓋數不過十无如此恰好這皆是造化自  
 然都過他不住推此義先儒未曾發圖書六七八九  
 之象見前篇太極圖以水陰盛為太陰火陽盛為太  
 陽木陽絳為少陽金陰穉為少陰其分太少陰陽雖與  
 此不盡合姑借其說以明水火木金為四象耳朱子  
 答或問云所謂兩儀為乾坤初爻四象為乾坤初  
 二相錯而成則恐立言有未瑩者蓋方其兩儀則未  
 有四象也方其為四象則未有八卦也安得先有乾


坤之名初二之辨哉兩儀只可謂之陰陽四象方有  
太少之別其序以太陽少陰少陽太陰為次此序既  
定逸升而倍之適得乾一兌二離三  
震四巽五坎六艮七坤八之序也






四象生八卦

乾一  


兌二  


離三  


震四  


四象之上各生一奇一偶而為三畫者八於是三才畧具而有八卦之名矣其位則乾一兌二離三震四巽五坎六艮七坤八在河圖則乾坤離坎分居四實兌震巽艮分居四虛在洛書則乾坤離坎分居四方兌震巽坎分居四隅周禮所

巽五



坎六



艮七



坤八



謂三易經卦皆八大傳所謂八卦  
成列邵子所謂四分爲八者皆指  
此而言也

朱子曰四象生八卦者太陽之  
上生一陽則爲三而名乾生一  
陰則爲三而名兌少陰之上生  
一陽則爲三而名震少陽之上生  
一陰則爲三而名巽生一陰則爲  
三而名坎太陰之上生一陽則爲  
三而名艮生一陰則爲三而名  
坤所謂乾一兌二離三震四巽  
五坎六艮七坤八者蓋謂此也

圖書分八卦詳見前篇周禮太下掌三易之法夏曰  
連山商曰歸藏周曰周易其經卦皆八也又離朱  
子曰太陰太陽交而生艮兌少陰少陽交而生震巽  
坎離不交各得本畫此離之交在第二畫兩儀生四  
象時交乃老陽過去交離老陰過來交陽便是兌艮  
上第三畫少陰少陽交便是震巽上第三畫所以知  
其如此者他這位次相陽傍蓋以太挨過來交太陰  
則生艮上交之陽太陰過來交太陽則生兌上交之  
陰乾坤不言交而生者以上交陽生於太陽陰上於  
太陰於交之義无取也少陰交少陽則生震上爻之  
陰少陽交少陰則生巽上爻之陽坎離不交各得本  
畫者離之上得陽儀之陽坎之上得陰儀之陰亦非  
交而生也坎離之交在第二畫生四象時交者陽儀  
交陰儀而生坎中爻之陽陰儀交陽儀而生離中爻  
之陰也此所以四象生八卦獨兌艮震巽交而乾坤  
坎離不交也位次相挨傍者兌乾艮坤震巽六卦位

次皆相挨也又盤澗先生曰自兩儀生四象則太陽陰不動而少陰少陽則交自四象生八卦則乾坤震巽不動而兌離坎艮則交蓋二老不動者陽儀乃生陽之象陰儀選生陰之象二少則交者陽儀乃生陰之象陰儀乃生陰之象也乾坤震巽不動者陽象選生陽之象陰象選生陰之象交兌離坎則交者陽象乃生陰之象陰象乃成陽之象也此與朱子前說不同參五求之其義益備要之此皆就四象八卦已成者推其相交之妙若論其初畫時一齊俱定本非有候於交而生也齊



八卦之上各生一奇一偶而為



四畫者十六於經无見邵子所



謂八分為十六者是也又為兩



儀之上各加八卦又為八卦之



上各加兩儀也



兩儀之上各加八卦者以八  
陽八陰為兩儀是第一畫為



兩儀也兩儀之上各有八卦  
陽儀八卦陰儀八卦二八一



十有六是為上三畫皆八卦  
也八卦之上各加兩儀者乾



兌離震與坎艮坤各二卦每



二卦之上各有一奇一偶為



兩儀是自第三畫為八卦分



卦之上各有兩儀亦自八分



為七六第四



畫皆兩儀也





四畫之上各生一奇一偶而為



五畫者三十二邵子所謂十六



分為三十二者是也又為四象



之上各加八卦又為八卦之各



加四象也



四象之上各加八卦者第一  
畫十六陽十六陰為兩儀第



二畫各八陽八陰為四象四  
象之上各有八卦上三畫皆



八卦也八卦之上各加四象  
者下三畫乾兌離震巽坎艮



坤各四卦上各有兩奇兩偶  
為兩儀第四畫也每兩儀之  
上各有一奇一偶  
為四象第五畫也







乾



五畫之上各生一奇一偶而為

夬



六畫者六十四則兼三才而兩

大有



之而八卦之乘八卦亦周於是

大壯



六十四卦之名立而易道大成

小畜



矣周禮所謂三易之別皆六十

需



有四大傳所謂因而重之文在

大畜



其中矣邵子所謂三十二分為

泰



六十四者是也若於其上各卦

履



又各生一奇一偶則為七畫者

兌



百二十八矣七畫之上又各生

睽



一奇一偶則為八畫者二百五

歸妹



十六矣八畫之上又各生一奇

中孚



一偶則為九畫者五百十二矣

節



九畫之上又各生一奇一偶則

損



為十畫者千二十四矣十畫之

臨



上又各生一奇一偶則為十一

同



畫者二十四十八矣十一畫之

革



上又各生一奇一偶則為十二

離



畫者四千九十六矣此焦貢易

豐



林變卦之數蓋以六十四乘六

家人



十四矣今不復為圖於此而畧

既濟



見第四篇中若自十二畫上又

賁



各生一奇一偶累至二十四畫

明夷



則成千六百七十七萬七千二

无妄



百一十六變以四千九十六自

隨



相乘其數亦與此合引而伸之

噬嗑



蓋未知其所終極也雖未見其

震



用處然亦足以見易道之無窮

益



矣

屯



朱子答袁機仲曰第六畫者八卦之八卦也又曰聖人當

頤



初亦不恁地思量只是畫一箇陽一箇陰只管恁地去自

復



一而二二而四四而八而十六十六而三十二三十二

姤



大過



而六十四既成箇物事自然  
如此齊整皆是天地本然之  
妙元如此但畧假聖人  
手畫出來至誠言也

鼎



恒



巽



井



升



升



訟



困



未濟



解



渙



坎



蒙



師





遯



咸



旅



小過



漸



蹇



艮



謙



否



萃



晉



豫



觀



比



剥



坤



# 伏羲八卦圖

南  
乾一



巽



西  
兌六




離



北  
坤八



東  
震三




東  
艮三



巽

伏羲六十四卦圖



天地定位山澤通氣雷風相薄水火不相射八卦相錯數往者順知來者逆是故易逆數也

雷以動之風以散之雨以潤之日以烜之艮以止之兌以說之乾以君之坤以藏之

邵子曰此一節明伏羲八卦也八卦相錯者明其相錯而成六十四也數往者順若順天而行是左旋也皆已生之卦也故云數往也知來者逆若逆天而行是右行也皆未生之卦也故云知來也夫易之數由

逆而成矣此一節直解圖意若逆知四時之謂也以  
橫圖觀之有乾一而後有兌二有兌二而後有離三  
有離三而後有震四有震四而與五坎六艮七坤八  
亦以次而生焉此易之所以成也而圓圖之左方自  
震之初為冬至離兌之中為春分以至於乾之末而  
交夏至焉皆進而得其已生之卦猶自今日而退數  
昨日也故曰數往者順其右方自與之初為夏至坎  
艮之中為秋分以至於坤之末而交冬至焉皆進而

得其未生之卦猶自今日而逆計來曰也故曰知來者逆然本易之所以成則其先後始終如橫圖及圓圖右方之序而已故曰易逆數也

邵子曰易之數由逆而成若逆知四時之謂也此論橫圖之序自乾至坤皆未生之卦也所謂未生者自卦之未畫者推之蓋太陽未交以前乾未生也自奇上生一奇則為乾而兌猶未生也然其生之勢不容已不必太陽上生一偶方知其為兌矣少可即乾而逆推兌於未生之前知其必為兌矣少陰未交以前離猶未生也自其上生一奇則為離而震猶未生也然其生之勢亦不容已不必少陰上生一偶方知其為震已可即離而逆推震於未生之前知其必為震矣自巽五至坤八其所推者

亦然如是春而推夏知春之後必為夏自夏而推  
秋知夏之後必為秋自秋而推冬知秋之後必為  
冬所謂若逆知四時之謂者也邵子據經文解釋  
則先圓圖而後及於橫圖朱子釋邵子之說則先  
自橫圖而論者誠以橫圖可以見卦畫之立圓圖  
可以見卦氣之行所謂圓圖者其實即橫圖規而  
圓之耳朱子嘗答葉水卿曰先天圖須先將六十  
四卦畫作一橫圖則震巽復姤生其中間先自震  
復而却行以至於乾乃自巽姤而順行以至於坤  
便成圓圖而春夏秋冬晦朔弦望晝夜皆自皆有  
次第此作圖之大旨也數往知來之說太抵以卦  
畫之已生者為往未生者為來亦當先以橫圖觀  
之而後具義可見橫圖之前一截列於圓圖之左  
方者乾一兌二離三震四而運行之序則始於震  
既有震矣則乾兌離之已生者可見由是自震之  
初為冬至離兌之中為春分以至乾之末而交夏



至馬是皆進而得其已生之卦也天道左旋此四卦旋於方之左若順天而行所以數之者豈不如今日也數昨日之順而易乎橫圖之後一截列於圖圖之右方者巽五坎六艮七坤八而運行之序則始於巽方其有巽則坎艮坤之未生亦可見由是自巽之初為夏至坎艮之中為秋分以至坤之未而交冬至馬是皆進而得其未生之卦也天道非右行此四卦行於方之右若逆天而行所以知之者豈不如今日逆計來日之難乎要之數往知來之說以陰陽之節候次第觀之皆自微而至著以人之推測言之亦因微而識著何則震巽未同居橫圖之中今以橫圖中分而成圓圖則震乃居圓圖之北為陽之始巽乃居圓圖之南為陰之始各相對望而不復同處其中此陰陽之逆順自復始而始其勢已於微而到矣況曰數曰知皆是就人而言亦皆是各處震巽地頭而論以此求之則

往來逆順之旨居然可見矣若論其初則易畫之  
所以成其先後始終不過如橫圖之始乾終坤及  
圓圖右方自巽至坤之序而已是皆以逆而成也  
故曰此一節直解圖意若逆知四時之謂也嘗  
因節子子半之說推之以卦分配節後復為冬至  
子之半順也益為小寒丑之初震噬嗑隨為大寒  
丑之半无妄明夷為立春寅之初賁既濟家人為  
雨水寅之中豐離革為驚蟄卯之初同人臨為春  
分卯之半損節中孚為清明辰之初歸妹睽兌為  
穀雨辰之半復泰為立夏巳之初大畜需小畜為  
小滿巳之半大壯大有為芒種午之初至乾之  
末交夏至午之半焉此三十二卦皆進而得夫震  
離兌乾巳生之卦也姤為夏至午之半大過鼎恒  
為小暑未之初巽井蠱為大暑未之半升訟為五  
秋申之初困未濟解為處暑申之半渙坎蒙為白  
露酉之初師遯為秋分酉之半咸旅小過為寒露

戌之初寒漸艮為霜降戌之半艮否為五冬亥之初  
草皆像為小雪亥之半觀比調為大雪子之初  
至坤之未交冬至子之半馬此三十二卦皆進而  
得夫巽坎艮坤未生之卦也二分二至四立總為  
八節每節各計兩卦如坤復為冬至无妄明夷為  
立春同人臨為春分之類是也如十六氣每氣各  
計三卦如頤屯益為小寒至觀比剝為大雪之類  
是也八節計十六卦十六氣計四十八卦合之為  
六十四卦此以卦配氣者也又葉周謨問先  
天卦氣相接皆是左旋蓋乾接以巽初姤卦便是  
一陰生坤接以巽初復卦便是一陽生自復卦一  
陽生十一月盡震四離三一十六卦然後得臨卦  
十二月又盡兌二凡八卦然後得泰卦正月又臨  
四卦得大壯二月又隔大有一卦得夬三月又接  
乾乾接姤自姤卦一陰生五月盛巽五坎六一十  
六卦然後得遯卦六月又盛艮七八卦然後得

否卦七月又隔四卦得觀八月又隔此一卦得剝  
五月剝接坤十月坤復接周而復始循環无端卦  
氣左旋而一歲十二月之卦皆得其序但陰陽初  
生冬歷十六卦而後一月又歷八卦再得一月至  
陰陽將極處只歷四卦為一月又歷一卦遂一併  
三卦相接其初如此之疎其末如此之密此陰陽  
盈縮當然之理歟然此圖於復卦之下書曰冬至  
子中於姤卦之下書曰夏至午中此固無可疑者  
獨於臨卦之下書曰春分卯中則臨卦本為十二  
月之卦而春分合在泰卦之下於遯卦之下書曰  
秋分酉中則遯卦本為六月之卦而秋分合在否  
卦之下是固有不可曉者朱子答曰伏羲易自是  
伏羲說話文王易自是文王說話固不可交反求  
合所看先天卦氣盈縮極子細其亦當如此理會  
來而未得其說陰陽初生其氣中固緩然不應如  
此之疎其後又知如此之密大抵此圖位置皆出

乎自然不應尤說當更思之愚謂前誠以復為冬  
至乎半推之凡二十四氣在諸卦皆各有所屬此  
朱子所謂伏羲說話也周謨所問十二月卦氣不  
同朱子所謂自是文王說話不可交互求合也又  
嘗曰先天圖八卦各有為一節不論月氣先後斯  
言盡之矣尚何疑之有但朱子謂卦氣盈縮不應  
无說愚嘗反覆思之竊謂先即內八卦以應十二  
月之卦獨坎離各八卦无預於月分者坎第三畫  
陰在陽上離第三畫陽在陰上非陰陽之以次而  
生者故不可當月分若夫震巽陰陽之初生者也  
一陽一陰在下故名八卦當十一月與五月艮兌  
陰陽之段長者也二陽二陰在下故名八卦當十  
二月與六月乾坤陰陽之極盛者也三陽三陰之  
全故乾八卦當正月至四月坤八卦當七月至十  
月陰陽之初生者宜緩矣又以坎離間之故不期  
踈而愈踈其浸長者宜稍速矣又踰於坎離之間

故視震巽為稍密至於三陽之乾陽氣方出地上  
溫厚之氣浸浸用事故四陽盛之月皆聚於乾三  
陰之坤陰氣方入秋初履凝之氣浸浸用事故四  
陰盛之月皆聚於坤雖欲其疎亦不可得也此或  
可以見卦氣  
盈縮之由矣

又曰太極既分兩儀立矣陽上交於陰陰下交於陽  
而四象生矣陽交於陰陰交於陽而生天之四象剛  
交於柔柔交於剛而生地之四象八卦相錯而後萬  
物生焉是故一分為二二分為四四分為八八分為  
十六十六分為三十二三十二分為六十四猶根之

有幹幹之有枝愈大則愈小愈細則愈繁

此一節申明八卦相錯而為六十四卦有此圖也邵子經山演易圖以一動一靜之間為太極以動靜分兩儀以陽陰剛柔分四象以太陽太陰少陽少陰分乾兌離震為天四象以少剛少柔太剛太柔分巽坎艮坤為地四象所謂八卦也動而靜而陰太極生兩儀也一奇為陽儀居圖左方一偶為陰儀居圖右方左為下故自下而上交於陰而生陰陽二象右為上故自上而下交於陽而生剛柔二象兩儀生四象也陰交於陽而生乾一為太陽兌二為太陰陽交於陰而生離三為少陽震四為少陰此四卦者皆自陽儀中來故為天之四象柔交於剛而生巽五為少剛坎六為少柔剛交於柔而生艮七為太剛坤八為太柔此四卦者皆自陰儀中來故為地之四象四象生八卦也八卦

相錯而後萬物生焉一卦之上各加八卦以相間  
錯則六十四卦成矣朱子曰陰陽是陽中之陰陽  
剛柔是陰中之剛柔剛柔以質言是有箇物了見  
得剛底柔底陰陽以氣言朱子又釋此以答袁  
機仲曰此下四節通論伏羲六十四卦圓圖太極  
既分兩儀立矣此一節以第一爻而言左一奇為  
陽右一偶為陰所謂兩儀者也今此一奇為左三  
十二卦之初爻一偶為右三十二爻之初爻乃以  
累變而分非本即有此六十四段也後放此陽上  
交於陰陰下交於陽而四象生矣此一節以第一  
爻生第二爻而言也陽下之半上交於陰上之半  
則生陰中第二爻之一奇一偶而為少陽太陰矣  
陰上之半下交於陽下之半則生陽中第二爻之  
一奇一偶而為太陽少陰矣所謂兩儀生四象也  
太陽一奇今分為左十六卦之第二爻少陽太陰其分  
偶今分為左十六卦之第二爻少陽太陰其分



故此而初爻之二亦分為四矣陽爻於陰陰爻於陽而生天之四象剛交於柔柔交於剛而生地之四象此一節以第二爻生第三爻言也陽為太陽陰為太陰剛為少陽柔為少陰太陽之下半交於太陰上半則生太陰中第三爻之一奇一偶而為艮為坤矣太陰之上半交於太陽之下半則生太陽中第三爻之一奇一偶而為乾為兌矣少陽之上半交於少陰之下半則生少陰中第三爻之一奇一偶而為離為震矣少陰之下半交於少陽之上半則生少陽中第三爻之一奇一偶而為巽為坎矣此所謂四象生八卦也乾一奇今分為八卦之第三爻坤一偶今分為八卦之第三爻餘皆放此而初爻二爻之四今又分為八矣乾兌艮坤生於二太故為天之四象離震巽坎生於二少故為地之四象八卦相錯而後萬物生焉一卦之上各加八爻以相間錯則六十四卦成矣然第三爻之

欽定四庫全書

卷上

相交則生第四爻之一奇一偶於是一奇一偶各  
為四卦之第四爻而下三爻亦分為十六矣第四  
爻又相交則生第五爻之一奇一偶於是一奇一  
偶各為二卦之第五爻而下四爻亦分為三十二  
矣第五爻又相交則生第六爻之一奇一偶於是  
一奇一偶各為二卦之第六爻而下五爻亦分為  
六十四矣蓋八卦相乘為六十四而自三畫以上  
三加一倍以至六畫則三畫者亦加一倍而卦體  
橫分亦為六十四矣二數殊途不約而會如合符  
節不差毫釐正是易之妙處又曰此段雖通論圓  
圖實先以橫圖自兩儀至六十四者明之所謂二  
數者指橫圖所生與圓圖所分而言二數相參皆  
不約而合也嘗合邵子朱子之說考之邵子以太  
陽為陽少陰為陰少陽為剛太陰為柔此四象也  
朱子釋之乃曰陽為太陽陰為太陰剛為少陽柔  
為少陰其言陽與剛同而言陰與柔異何也邵子

以太陽為乾太陰為兌少陽為離少陰為震四卦  
 天四象少剛為巽少柔為坎太剛為艮太柔為坤  
 四卦地四象天地各四象此八卦也朱子釋之乃  
 曰乾兌艮坤生於二太故為天四象離震巽坎生  
 於二少故為地四象其言乾兌巽坎同而言離震  
 艮坤異何也蓋四象八卦之位邵子以陰陽剛柔  
 四字分之朱子乃以陰陽二字名之其論四象既  
 殊則論八卦亦異邵子以乾兌離震為天四象者  
 以此四卦自陰儀中來以巽坎艮坤為地四象者  
 以此四卦自陰儀中來朱子則以乾兌艮坤生於  
 太陽太陰故屬其象於天離震巽坎生於少陰少  
 陽故屬其象於地二者各有不同也但詳玩邵子  
 本意謂陰陽相交者指陽儀中之陰陽剛柔相交  
 者指陰儀中之剛柔是以老交少少交老而生天  
 地四象其機混然而無間朱子易陽為太陽陰為  
 太陰剛為少陽柔為少陰二太相交而生天四象

一少相交而生地四象其分然而有別朱子之說雖非邵子本意然因是可以知圖之分陰分陽者以交易而成象之或老或少初不易其分也朱子嘗言大王後天八卦震東兌西為長少相合於正方巽東南艮東北為長少相合於偏方以長少之合為非其偶必若伏羲先天八卦震以長男而合陰長之巽為雷風不相悖艮以少男而合陰少之兌為山澤通氣以長合長少合少為得其偶又言无伏羲底做文王底不成其歸却在伏羲上今邵子說四象之交即文王之說也朱子說四象之變即伏羲之說也觀朱子說實廣邵子未盡之意而觀邵子說者亦庶乎有折衷矣下文朱子復與邵子說曰震兌在天之陰巽艮在地之陽則於彼處只據邵說而不以已意混之者又可見也

是故乾以分之坤以翕之震以長之巽以消之長則

分分則消消則翕也乾坤定位也震巽一交也兌離  
坎艮再交也故震陽少而陰尚多也巽陰少而陽尚  
多也兌離陽浸多也坎艮陰浸多也

震者長之始雷以動之也應離兌而乾則長之極  
而為陰陽之分限矣乾以君之也巽者消之始風  
以散之也應坎艮而坤則消之極而為純陰之翕  
聚矣坤以藏之也此所以長則分分則消消則翕  
翕則復為長而循環无端也乾至陽也居上而臨  
下故曰君以震離兌之陽得乾而有所君宰坤至  
陰也居下而括終故曰藏以巽坎艮之陰得坤則  
有所歸宿然謂乾以分之則動而陽者乾也靜而  
陰者亦乾也乾實分陰陽而无不君宰也朱子嘗  
言天地之間本一氣之流行而有動靜耳以其流

行之統體而言則但為之乾而无所不包以動靜分之然後有陰陽剛柔之別正此意也夫如是則諸卦皆乾之所居聖人特以君言之造化貴陽之大義聖人扶陽之至意昭昭矣乾坤以陰陽之純定上下之位震一交兌離再交由一陽之交以至二陽之交也巽一交坎艮再交由一陰之交以至二陰之交也故初爻為震則陽尚少再交為離兌則陽浸多矣初爻為巽則陰尚少再交為坎艮則陰浸多矣

又曰無極之前陰含陽也有象之後陽分陰也陰為陽之母陽為陰之父故母孕長男而為復父生長女而為姤是以陽起於復而陰起於姤也

或問无極如何說前朱子曰邵子就圖上說循環之意自姤至坤是陰舍陽自復至乾是陽分陰坤復之間乃无極自坤反姤乃无極之前朱子言就圖上說循環之意者蓋以右一邊屬陰而陰中有陽故自一陰之姤至六陰之坤皆是以陰而含陽陰主闕其翕聚者所以含蓄此陽也左一邊屬陽而陽中有陰故自一陽之復至六陽之乾皆是以陽而分陰陽主闕其發散者所以分布此陰也坤復之間乃为无極蓋以一動一靜之間一无聲无臭之理而已自坤而反觀則推之于前以至於姤故为无極之前自復而順數則引之於後以至於乾故为有象之後四卦之循環蓋未見其終窮也陰為陽之母謂坤為復之母故生復也陽為陰之父謂乾為姤之父故生姤也圖分陰陽復姤為陰陽之起處故曰乾坤為大父母復姤為小父母也進齋徐氏曰无極之前陰含陽也言自興消而

至坤翕靜之妙也四象之後陽分陰也言自震長而  
至乾分動之妙也陰含陽故曰母孕陽分陰故  
曰父生朱子曰坤復之間為无極其論密矣又詩  
曰忽然夜半一聲雷萬戶千門次第開若識无中  
含有象許君親見伏羲來无中含  
有象即坤復之間无極而太極也

又曰震始交陰而陽生與始消陽而陰生兌陽長  
也艮陰長也震兌在天之陰也與艮在地之陽也故  
震兌上陰而下陽與艮上陽而下陰天以始生言之  
故陰上而陽下交泰之義也地以既成言之故陽上  
而陰下尊卑之位也乾坤定上下之位坎離立左右



之門天地之所闢闢日月之所出入春夏秋冬晦朔  
弦望晝夜長短行度盈縮莫不由乎此矣

此一節先論震巽艮兌四維之卦而後及于乾坤坎離四正之位震始交陰而陽生以震接坤言也至兌二陽則為陽之長巽始消陽而陰生以巽接乾言也至艮二陰則為陰之長震兌在天之陰者仰子以震為天之少陰兌為天之太陰推其為陰故陰爻皆在上而陽爻皆在下天以生物為主始生之初非交泰不能故陰上陽下而取交泰之義巽艮在地之陽者仰子以巽為地之少剛艮為地之太剛推其為剛故陽爻皆在上而陰爻皆在下地以成物為主既成之後則尊卑定故陰下陽上而取尊卑之位乾坤定上下之位天地之所闢闢也坎離立左右之門日月之所出入也歲而春夏

秋冬月而晦朔弦望日而晝夜行度莫不胥此焉  
出豈拘拘久晝陰陽之間哉進齋徐氏曰一元  
循環自復至乾為陽生物之始也故震兌陰上而  
陽下為交泰之義蓋主動而言太極之用所以行  
自如至坤為陰成物之終也故艮陽上而陰下  
為尊卑之位蓋主靜而言太極之體所以立也思  
齋翁氏曰知為日門太陽所生酉為月門太陰所  
生不但日月出入於此大而天地之間物雖始於  
寅至卯而門彌闢閉物雖始於戌至酉而門已闔  
一歲而春夏秋冬一月而晦朔弦望一日而晝夜  
行度莫不由乎左右之門所以極贊坎離功用之大也

又曰乾四十八而四分之一分為陰所尅也坤四  
十八而四分之一分為所尅之陽也故乾得三十六

而坤得十二也。兌離以下更始之。今案兌離二十

八陽二十陰震二十陽二十八陰艮坎二十八陰二

十陽巽二十陰二十八陽

乾四十八者內卦為乾自乾至泰八卦陰陽爻共  
四十八畫也。四分者以四十八分為四分。每分  
計十二畫也。乾至泰計三十六畫。陽十二畫。陰是  
陽占四分之三。內一分為陰。所克也。坤四十八者  
內卦為坤。自否至坤八卦陰陽爻共四十八畫也。  
四分者以四十八分為四分。每分計十二畫也。  
否至坤計三十六畫。陰十二畫。陽是陰占四分之  
三。內一分為所克之陽也。故乾得三十六陽而坤  
得十二陽者。蓋乾固以陽為主。而坤亦以陽為主。  
也可見天道貴陽賤陰。聖人扶陽抑陰之義。邵子

得之耳程子論復之陽長而曰陰亦然聖人不言者正與此合兌八卦自履至臨離八卦自同人至明夷各計二十八陽共五十六陽各計二十陰共四十陰則其四十者為陰所克也震八卦自无妄至復計二十陽二十八陰則二十八為陰所克也艮八卦自遯至謙坎八卦自訟至師各計二十八陰共五十六陰各計二十陽共四十陽則其四十者為所克之陽也與八卦自姤至升計二十陰二十八陽則二十八者為所克之陽也是兌離震得七十六陽與坎艮得四十八陽也

又曰乾坤縱而六子橫易之本也

圖圖南北為縱東西東南西北西南東北為橫八卦對待以五其體易之本也

又曰陽在陰中陽逆行陰在陽中陰逆行陽在陽

中陰在陰中則皆順行此真至之理索圖可見之矣

朱子曰圓圖左屬陽右屬陰坤无陽艮坎一陽巽二陽為陽左陰中逆行乾无陰兌離一陰震二陰為陰在陽中逆行震一陽離兌二陽乾三陽為陽在陰中順行與一陰坎艮二陰坤三陰為陰在陰中順行此皆以內八卦三畫陰陽言也若以外八卦推之陰陽逆順行亦然右方外卦四節皆首乾終坤四坤无陽自四艮各一陽逆行而至於乾之三陽皆自下而上亦陽在陰中陽逆行也左方外卦四節亦首乾終坤四乾无陰自四兌各一陰逆行而至於坤之三陰其陰皆自上而下亦陰在陽中陰逆行也左方外卦四坤无陽自四艮各一陽順行而至於乾之三陽其陽皆自下而上亦陽在陽中陽順行也右方外卦四乾无陰自四兌各一陰順行而至於坤之三陰皆自上而下亦陰在陰

中陰順行也以逆順之說推之陰陽各居本方則陽自下而上陰自上而下皆為順若陰陽互居其方則陽自上而下陰自下而上皆為順逆自然之勢固自有真至之理也思齋翁氏曰先天圓圖左陽右陰左三十二卦陽始於復之初九歷十六變而二陽臨又八變而三陽泰又三變而四陽大壯又一變而五陽夬而乾以君之陽之進也始緩而終速其進也以漸所謂陽在陽中順也陽主升自下而升亦順也復至无妄二十陽明夷至同人二十八陽臨至履亦二十八陽乾至泰三十六陽二十者陽之微二十八陽之著三十六陽之盛陽在北則微在東則著在南則盛亦順也陽順而陰逆不言可知矣陽在右方三十二卦則反是故曰真至之理索圖可見也

又曰復至乾凡百二十有二陽姤至坤凡八十陽

姤至坤凡一百二十有二陰復至乾凡八十陰

圖之陰陽在兩邊正相等自復至乾居圖之左陽方也故陽多而陰少自姤至坤居圖之右陰方也故陰多而陽少左邊一畫陽便對右邊一畫陰便對左邊一畫陰便對右邊一畫陽對待以立體而陰陽各居其半也由此觀之天地間陰陽各居其半本无截然為陽截然為陰之理但造化貴陽賤陰聖人扶陽抑陰故於消長之際淑慝之分又不能不致其區別爾豈容以概論哉

又曰坎離者陰陽之限也故離當寅坎當申而數常踰之者陰陽之溢也然用數不過乎中也此更宜思離當卯坎當酉但以坤為子半可見矣

以離陰陽之限者就寅申而言也以四時論之春  
為陽而始於寅是離當寅而為陽之限秋為陰而  
始於申是坎當申而為陰之限也數常踰之者離  
雖當寅而盡於卯中坎雖當申而盡於酉中是踰  
寅申之限而為陰陽之溢矣然用數不過乎中者  
蓋邵子以卯酉為陰陽之溢則其所謂中者是取  
寅申而不取卯酉也陽之用始於寅陰之用始於  
中蓋子位陽雖生而未出乎地至寅則溫厚之氣  
始用事已位陰雖生而未害於陽至申則嚴凝之  
氣始用事是所謂用數仍不過乎寅申之中也夫  
以離當寅坎當申推之則乾當巳坤當亥兌當卯  
辰震當子丑巽當午未艮當酉戌皆數之不及而  
邵子以為中者又以離當卯坎當酉坤為子半  
推之則乾當午坤當子兌當辰巳震當丑巽當  
未申艮當戌亥皆四方之中四隅之會處而邵子  
以為數常踰之者也此即邵子怕處其盛之意



又曰先天學心法也故圖皆自中起萬化萬事生於心也

此明圖之所謂太極也圖從中起者心法也心為太極而萬化萬事生於心圖之中亦為太極而儀象卦生於中也林學履問圖皆從中起萬化萬事生於心何也朱子曰其中間白處便是太極三十二陽三十二陰便是兩儀十六陰十六陽便是四象八陰八陽便是八卦又曰太極中間處處便是他自說圖從中起今不合被方圖在中間塞却待取小致外他兩邊生者即是陰根陽根陰這箇有對從中無對無對

又曰圖雖無文吾終日言而未嘗離乎是蓋天地

萬物之理盡在其中矣

或問圖雖無文吾終日言而未嘗離乎是何也朱  
子曰一日有一日之運一月有一月之運一歲有  
一歲之運大而天地之始終小而人物之生死遠  
而古今之世變皆不外乎此只是一箇盈虛消息  
之理本是箇小底變成大底到那大處又變成小  
底如納甲法乾納甲壬坤納乙癸艮納丙兌納丁  
震納庚巽納辛坎納戊離納己亦是這箇又如道  
家以坎離為真水火為六卦之主而六卦為坎離  
之用自月初三為震上弦為兌望日為乾望後為  
巽下弦為艮晦日為坤亦不外此又曰乾之一爻  
屬戌坤之一爻屬巳留戌就巳方成坎離蓋乾坤  
是大父母坎離是小父母又如火珠林占得一屯  
卦則初九是庚子六二是庚寅六三是庚辰六四  
是戊申九五戊戌上六戊子亦都是只箇又

曰先天圖今所寫者是以一歲之運言之推而至  
於元會運世十二萬九千六百歲亦只是應地道  
理小而一日一時亦是這圈子都從復上推起  
去朱子之意蓋謂自有先天圖以後如納甲法道  
家修養法下至火珠林占筮等書莫不自先天圖  
出此所謂天地萬物之理盡在其中也邵子嘗自  
贊曰弄環餘暇時往時來又曰自從會得環中意  
閒氣胸中一點無其有得于圖者如此朱子贊之  
曰天挺人豪英邁蓋世駕風鞭霆應覽無際手探  
月窟足躡天根閒中今古靜裏乾坤可謂形容盡  
之矣今應引其言而終之以圖為心法圖皆從中  
起且以為天地萬物之理盡在其中則其學之得  
於心心之根於理者  
又豈徒象數云乎哉

案易本義曰伏羲四圖三畫六畫橫圖圓圖其  
說皆出邵氏蓋邵氏得之李之才之才得之穆

修修得之希夷先生陳搏所謂先天之學也朱子  
答黃勉齋書曰先天乃伏羲本圖非康節所自作  
雖无言語而所該甚廣今見中一字一義无不自  
其中流小以上總說四圖又曰易是互相搏易  
之義觀先天圖便可見東邊一畫陰便對西邊一  
畫陽蓋東一畫本皆是陽西一畫本皆是陰東邊  
陰畫都自西邊來西邊陽畫都自東邊來姤在西  
是東邊五畫陽過復在東是西邊五畫陰過互相  
搏易而成易之變雖多般然此是第一變又曰左  
邊百九十二爻本皆陽右邊百九十二爻本皆陰  
陽中有陰陰中有陽便是陽往交易陰陰來交  
易陽兩邊各各相對其實非此往彼來只其象  
如此邵子詩曰耳目聰明男子身洪鈞賦予不為  
貧因探月窟方知物未躡天根豈識人乾遇巽時  
觀月窟地逢雷處見天根天根月窟間來往三十  
六宮都是春朱子贊之亦曰手探月窟足躡天根

池陽何巨源問詩并贊云莫是說陰陽否朱子答曰先天圖自復至乾陽也自姤至坤陰也陽主八陰主物手探足躡亦無其意義但復在下姤在上上故言手探下故言足躡天根月窟指復姤二卦乃是說他圖之所從起處三十六宮之說邵子嘗曰八卦之象不易者四乾坤坎離反易者二震反為艮巽反為兌本是四卦以反易為六卦以六變而成八也重卦之象不易者八乾坤坎離順中孚大小過反易者二十八卦如屯反為蒙之類本五十六卦反易只二十八卦以二十八變為六十四也張行成曰天地間唯一无對唯中无對乾坤陰陽之一坎離陰陽之中順大過似乾坤之一中孚小過似坎離之中所以皆无對其餘五十八卦不純乎一與中者則有對也劉砥問曰都是春蓋云天說流行而已當周流其間之意否朱子曰是以上

通氣咸損見義雷風相薄恒益起意水火相射既  
濟未濟四象相交成十六事八卦相盪為六十四  
朱子釋之曰此是說方圖中兩交腹底且如西北  
角乾東北角坤是天地定位便對東南角泰西南  
角否次乾是兌次坤是艮是山澤通氣便對次否  
之咸次泰之損後四卦亦如此共十六事後四卦  
謂次兌是離次艮是坎是水火相射便對次損之  
既濟次咸之未濟次離是震次坎是巽是雷風相  
薄便對次既濟之益次未濟之恒是也以上說方  
圖易本義曰此圖圓布者乾盡午中坤盡子中  
離盡卯中以盡酉中陽生於子中極于午中陰生  
於午中極於子中其陽在南其陰在北方布者乾  
始于西北坤盡於東南其陽在北其陰在南此二  
者陰陽對待之數圓于外者為陽方于中者為陰  
圓者動而為天方者靜而為地也圖圓乾在南坤  
在北方圖坤在南乾在北乾位陽畫之聚為多坤

位陰畫之聚爲多此陰陽之名以類而聚也亦莫  
不有自然之法象焉又曰圓圖象天一順一逆流  
行中有對待如震八卦對待四角相對如乾八卦對  
有逆無順定位中有對待四角相對如乾八卦對  
坤八卦之類此則方圓圖之辯也圓圖象天者天  
圓而動包乎地外方圖象地者地方而靜固乎天  
中圖圖者天道之陰陽方圖者地道之柔剛震離  
兌乾爲天之陽地之剛與坎艮坤爲天之陰地之  
柔地道承天而行以地之柔剛應天之陰陽同一  
理也時在天者一逆一順卦氣所以運在地者惟  
主乎逆卦畫所以成耳以上總說方圓圖此以  
上數條啟蒙未盡述今附見于此亦可互相發矣


欽定四庫全書



卷上



# 文王八卦圖



帝出乎震齊乎巽相見乎離致役乎坤說言乎兌戰乎  
乾勞乎坎成言乎艮萬物出乎震震東方也齊乎巽巽  
東南也齊也者言萬物之整齊也離也者明也萬物皆  
相見南方之卦也聖人南面而聽天下嚮明而治蓋取諸  
此也坤也者地也萬物皆致養焉故曰致役乎坤兌正  
秋也萬物之所說也故曰說言乎兌戰乎乾乾西北之  
卦也言陰陽相薄也坎者水也正北方之卦也勞卦也  
萬物之所歸也故曰勞乎坎艮東北之卦也萬物之所

成終而所成始也故曰成言乎艮神也者妙萬物而爲  
言者也動萬物者莫疾乎雷撓萬物者莫疾乎風燥萬  
物者莫熯乎火說萬物者莫說乎澤潤萬物者莫潤乎  
水終萬物始萬物者莫盛乎艮故水火相逮雷風不相  
悖山澤通氣然後能變化既成萬物也

邵子曰此一節明文王八卦也 又曰至哉文王之  
作易也其得天地之用乎故乾坤交而爲泰坎離交  
而爲既濟也乾生於子坤生於午坎終於寅離終於

申以應天之時也置乾於西北退坤於西南長子用事而長女代母坎離得位而兌艮為耦以應地之方也王者文王也其盡於是矣此言文王改易伏羲卦圖之意也蓋自乾南坤北而交則乾北坤南而為泰矣自離東坎西而交則離西坎東而為既濟矣乾坤之交者自其所已成而反其所由生也故再變則乾退乎西北坤退乎西南也坎離之變者東自上而西西自下而東也故乾坤既退則離得乾位而坎得坤位

也震用事者發生於東方巽代母者長養於東南也  
乾南坤北離東坎西者先天卦位乾坤由南北而  
交坤南乾北則坤上乾下故交而為泰也離坎由  
東西而交坎東離西則坎上離下故交而為既濟  
也先天卦乾居午而云生於子者以乾陽始生於  
復復子之半也坤居子而云生於午者以坤陰始  
生於姤姤午之半也午乾之所已成今下而交坤  
於子是反其所由生也子坤之所已成今上交乾  
於午是反其所由生也故再變而為後天卦則乾  
退西北坤退西南也先天卦離當寅而云終於申  
者申乃坎之位離交坎而終於中也坎當申而云  
終於寅者寅乃離之位坎交離而終於寅也東者  
離之本位其變則交于坎而向西是東自上而西  
也西者坎之本位其變則交于離而向東是西自  
下而東也故再變而為後天卦乾卦既退則離上

而得乾位坎下而得坤位也震代父始事而發生於東方巽代母總事而長養於東南也先天主乾坤坎離之交其交也將變而無定位天時之不窮也故曰應天後天主坎離震兌之變其交也不變而有定位地方而有常也故曰應地由先天卦而為後天卦此文王作易所以得天地之用而邵子以至哉之辭贊之也雖然此邵子朱子之所已言者而其所未言者尤當竟也先天卦乾以君言則所主者在乾後天卦震以帝言則所主者在震何哉此正夫子發明義文尊陽之意也蓋乾為震之父震為乾之子以統臨謂之君則統天者莫如乾而先天卦位宗一乾也此乾方用事則震居東北而後其用也以主宰謂之帝主器者莫若長子後天卦位宗一乾也此乾不用則震居正東而司其用也先天所重者在正南後天所重者在正東如此則大王改易伏羲卦圖均一尊陽之心可見矣此

雲莊劉氏曰八卦之象各一而水則有二合先後  
天卦位觀之實周於東南西北以天地之間水為最  
多也然坎為水而兌止為澤者以坎乃陽水陽主  
動江河之流是也兌乃陰水陰主靜湖海之滙是  
也朱先生嘗謂坎水塞其下流則為兌澤愚亦謂  
兌澤疏其隄防則為坎水其實一水而已特以坎  
陽兌陰而有  
水澤之分也

又曰易者一陰一陽之謂也震兌始交者也故當  
朝夕之位坎離交之極者也故當子午之位巽艮不  
交而陰陽猶雜也故當用中之偏乾坤純陽純陰也  
故當不用之位也

一陰一陽居正則相對而有交易之義居偏則不對而於交之義无取後天八卦正而對者震兌坎離偏而不對者乾坤艮巽故在東西南北者相對則取其交而在東北東南西北西南者不對則不取其交也自其交者論之震東兌西為交之始當卯酉之中朝夕之位也離南坎北為交之極當子午之位天地之中也自其不交者論之巽艮居南北之東北於乾坤陰陽為尤雜故與稍向用而艮全未用所以為當用中之偏乾坤居南北之西北於艮為陰陽之純所謂父母既老而退處於不用之地也思齋翁氏曰坎離是乾坤中交之交在八卦位中只有東西南北四正位位之極好先天則位坎離以卯酉後天則位坎離以子午也只此四位陽中有陰陰中有陽皆是義大微意

又曰兌離巽得陽之多者也艮坎震得陰之多者



也是以爲六地用也乾極陽坤極陰是以不用也

此承上文而言六子得陰陽之多而致用乾坤陰陽之極而不用也陰卦多陽故兌離與得陽之多陽卦多陰故艮坎震得陰之多是以各司天地之用而生於萬物也至於乾極陽坤極陰極則止而不復用矣然六子之用由乾坤之用也雲莊劉氏曰兌離與陰卦宜多陰而反多陽艮坎震陽卦宜多陽而反多陰何也蓋三男乃坤求於乾各得乾一陽而成本皆坤體故多陰三女乃求乾于坤各得坤一陰而成本皆乾體故多陽多陽多陰者各得乾坤之一體極陽極陰者乃乾坤之全體乾坤雖不用而六卦之用无往而非乾坤之用矣

又曰震兌橫而六卦縱易之用也

前論先天八卦有縱橫為易之本故此論後天八卦亦有縱橫為易之用也先天八卦圖乾南坤北於象為縱也離東坎西震東北與西南艮西北於象皆為橫矣後天八卦圖震東兌西南艮西北於象皆為縱矣先天後天縱橫不齊者蓋先天於象為橫也離南坎北艮東北與東南坤西南乾西北於象皆為縱矣先天後天縱橫不齊者蓋先天對待以立其本而所重在乾坤後天流行以致其用而所重在震兌先天有乾坤之縱以定南北之位然後六子之橫布列於東西者倚之以為主是相為對待以五本也後天有震兌之橫以當春秋之分然後六卦之縱其成全於冬夏者資之以為始是迭為流行以致用也本立用行先後天所以為可相有而不可相無也或曰上文既以震兌離坎交而當用與艮不交而未用乾坤純而不用又統論六子致用乾坤不用至此則非乾坤皆以為易之用何也蓋就後天八卦論乾坤則終于不用若

合先後天八卦而論先天所以立易之本後天所以致易之用則皆謂之入用矣況後天乾坤雖云不用而有六子以致用則用者雖在八子不用而主其用者實在乾坤豈荒於无用哉故亦皆以用也言

嘗考此圖而更為之說曰震東兌西者陽主進故以長為先而位乎左陰主退故以少為貴而位乎右也坎北者進之中也離南者退之中也男北而女南二者互藏其宅也四者皆當四方之正也而為用事之卦然震兌始而坎離終震兌輕而坎離重也乾西北

坤西南者父母既老而退居不用之地也然母親而父尊故坤猶半用而乾全不用也艮東北巽東南者少男進之後而長女退之先故亦皆不用也然男未就傳女將有行故巽稍向用而艮全未用也四者皆居四隅不正之位然居東者未用而居西者不復用也故下文歷舉六子而不數乾坤至其水火雷風山澤之相偶則又用伏羲卦云

自震東兌西至坎離重也為一節專論震兌離坎居四方之正位而為用事之卦震居東為陽主乎

進兌居西為陰主乎退而東西之位以定離居南  
為退之中坎居北為進之中而南北之位以成離  
得乾位以陰卦居陽坎得坤位以陽卦居陰男女  
之互藏其宅也震當生育之始兌當收成之始離  
當長養之終坎當歸藏之終當其始者其責輕當  
其終者其責重也自乾西北至不復用也為一節  
專論四隅之卦乾坤以父母之老而復用巽艮以  
男女之長少而未用坤西南猶半用者謂其當長  
養收成之交母道當親也乾西北全不用者謂其  
當嚴凝主靜之侯父道之尊也艮東北巽東南者  
以進退之先後定之男未必傳少而未習其事女  
將有行長而可以任其事也故巽稍用而艮全未  
用也然四卦固皆四隅而居東方生育之位者特  
未用居西方收成之位者全不用矣故自下文歷  
舉六子以下為一節是總一兩節論六子致用而  
乾坤不用也謂之曰不數乾坤者以致用在六子

故不復及之耳而其下文仍用伏羲卦次者汧源不容以後天而遺先天也或問此下歷舉六子而不數乾坤然着一句神也者妙萬物而為言引起則乾坤在其中矣朱子曰固是如此問且如雷風水火山澤自不可喚做神曰神也者乃其所以動所以撓者也又曰水火相逮一段與上面水火不相射同又自是伏羲卦又曰上言六子用文王八卦之位者以六子之主時成用而言故以四卦之序而用文王後天之序下言六子用伏羲卦之位者推六子之所以主時成用而言故用陰陽交合為義而用伏羲八卦之序蓋陰陽以其偶合即六子之用行所以能變化盡成萬物也又曰无伏羲底則做文王底不中故其歸却在伏羲上朱子蓋謂後天八卦以四時進退為序先天八卦以陰陽交合為義四時進退者用之所以行也故不以卦位之非其偶為拘陰陽交合者體之所以

立也故必以卦位之得其偶為主要之先天以其偶合而八卦之體立則後天雖不以其偶合而六子之用自行此變化既成萬物固歸之文王卦次而所以變化既成萬物者實歸伏義卦次也不然聖人論伏羲卦次之後何為必申之以然後能變化既成萬物歟

乾健也坤順也震動也巽入也坎陷也離麗也艮止也  
兌說也

程子曰凡陽在下者動之象在中者陷之象在上止之象陰在下者入之象在中者麗之象在上說之象

此以八卦之性情為言一陽起於二陰之下則為動墮於二陰之中則為陷終於二陰之上則為止

一陰伏於二陽之下則為入附于二陽之中則為麗見于二陽之上則為就純於陽為健純於陰為順也

乾為馬坤為牛震為龍巽為雞坎為豕離為雉艮為狗  
兌為羊

此遠取諸物之象

乾為首坤為腹震為足巽為股坎為耳離為目艮為手

兌為口

此近取諸身之象



乾天也故稱乎父坤地也故稱乎母震一索而得男坎  
謂之長男巽一索而得女故謂之長女坎再索而得男  
故謂之中男離再索而得女故謂之中女艮三索而得  
男故謂之少男兌三索而得女故謂之少女

今案坤求於乾得其初九而為震故曰一索而得男  
乾求於坤得其初六而為巽故曰一索而得女坤再  
求而得乾之九二以為坎故曰再索而得男乾再求  
而得坤之六二以為離故曰再索而得女坤三求而

得乾之九三以為艮故曰三索而得男乾三求而得坤之六三以為兌故三索而得女


朱子曰乾索於坤而得女坤索於乾而得男初問畫卦時不是恁地只是畫卦後便見有此象耳愚謂三男陽也乾之似也乃歸之于坤求而後得三女陰也坤之似也乃歸之于乾求而後得何也蓋三男本坤體各得乾一陽而成此陽根于陰故歸之坤也三女本乾體各得坤一陰而成此陰根於陽故歸之乾也邵子曰母孕長男而為復父生長女而為姤陰陽互根之義可見矣

凡此數節皆文王觀於已成之卦而推其未明之象以為說邵子所謂後天之學入用之位者也

此總論乾健也以  
下四節之旨也

愚嘗合先天後天之見而參之圖書矣伏義先天之易固以河圖為本而其卦位未嘗不與洛書合且以乾南兌東南則老陽四九之位也離東震東北則少陽三八之位也與西南坎西則少陰二七之位也艮西北坤北則老陰一六之位也其卦實與洛書合焉文王後天之易雖恒本之伏義然亦未嘗不與河圖合且以坎離當南北之正子午之中則兩卦各當夫水火之一象離當地二天七之火而居南坎當天一地六之水而居北此外六卦則每卦共當一象震者木之生當天三之木於東巽者木之成當地八之木于東南兌者金之生當地四之余于西乾者金之成當天九之余于西北艮則土之生當天五之土于東北坤者土之成當地十之土于西南坤艮所以獨配夫中宮之

五十者以土實寄旺于四季无乎不在故配夫中  
數耳其卦實與河圖合焉原其初伏羲但據河圖  
以作易未必預見于書文王但據先天八卦以為  
後天八卦未必追考于圖而方位既成自默相符  
合于以見天地之間河洛自然之數其與聖人心  
意之所為自有不期合而合者此理之所必同也  
不可不察焉



易學啟蒙通釋卷上